




# Hmasawna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

**Contact Numbers pawimaw :**  
 DC/CCPur : 03874-234234  
 SP/CCPur : 03874-236747  
 Police Station : 03874-202248  
 SP Control Room: 03874-233239  
 Dist. Hospital Casualty : 03874-233370  
 Fire Brigade : 8974 147 799/  
 8258 057 887 / 8974 103 600



Adele in £40million Hmasawna Thar  
 sainsin £125million Net Tak

Hmasawna Thar Vol - 32/197

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

## ADC/CCPur Chairman Office hawngna nei



**CCPUR:** May 4, 2017, 11AM khan Autonomous District Council (ADC), CCPur Office, Tuibong-ah Chairman Office hawngna le Pathien kuoma inhlanna hun hmang a nih.

Hi huna hin V. Khaikhanmung, Vice Chairman, ADCC bakah ADC, CCPur hnuoia Executive Member dinga ruot thar hai- Lalhrilien, T Paukhanlian, Hausuanthang, Seilienmang, Kamkholah hai bakah Puntulthang, MDC, Soiminlian Lengen, MCS CEO ADC CCPur hai le ADC office staff hai an thang.

Hi huna hin Rev. LB Angam, Executive Director, ECA chun ADC Chairman thar Khaipao Haokip Office thar ding hawngna le Pathien kuoma inhlanna a nei, bakah Chairman le Office staff hai ta dinga tawngtaipekna a nei.

Soiminlian Lengen chun, India ram hi democracy ram a ni leiin

## MBA zo thar

**CCPUR:** Tv. Jackson L. Hrangchal, s/o Rev. Roshyama Hrangchal chun Symbiosis University, Pune, Maharashtra-a inthawk MBA hnesaw takin a zo tah. A zo le inruol hin Campus placement

local government le local self-government hai umin, self government chu mani le mani inenkawla ro inrela sawrkarn siem a ni a, ADC Office in Chairman thar inrawinaa rorelna tha taka thlawp dingin staff hai a ngen. Hi huna hin ADC office a Account section han Chairman thar hi parthi inhlitna an nei bkah Education Dept. hnuoia Inspector of School Nemzathuam khawmin Chairman thar a lawmpui thu a hril.

Chairman Pu Khaipao Haokip chun, ADC mi thar vawng enkawlna hnuoia hung um ding a ni leiin ram le hnam thadna ding, hmasawna dingin mipui le sawrkarn tieng thangruolna tha tak nei a pawimaw thu, Chairman hlui le thar ti um loa ei ram thadna dinga sin thaw thlang seng dingin ADC staff le MDCs hai a fiela a, tukhawm in enhran lova inazuona lientak neia thlawp dingin fiela a siem.

hmuin May thla tawp hin Jindal Steel Company-ah Junior Manager (HRD) sin a chel zawm ngal ding niin ei thu dawngna chun a hril. A hlawtlingna ei chanchinbu chun a lawmpui hle.

## One Day market an thaw ding

**CCPUR:** Tuithaphai Presbytery Nuhmei Pawl ICI chun hungtling ding May 6, 2017 (Inrinni), 6:30AM a inthawk hin ICI Office tuolzawn le Light House Lane, CCPur-ah Pathien rama rawngbawlna dingin 'One Day Market' thawng an tih.

Market huna hin thuomhnaw chi dang dang bakah Sa, Thingpui le a dang dang hai zawm ning a tih. Pathien rama rawngbawlna ngaia mitin an bazar siem hung dawng seng dingin Tuithaphai Presbytery ICI Nuhmei Pawl chun fiela le ngenna an siem.

## CHANCHIN LAKTAWI

### B.Sc. Nursing le GNM course

**CCPUR:** Bethesda College of Nursing, Muolvaiphei-a kum 2017 session-a B.Sc Nursing le General Nursing & Midwifery (GNM) inchuk nuom hai ta dingin ngaiven thei hun lai a nih. Application form le Prospectus chu College Office, Muolvaiphei le Christian Book & Stationaries, ICI Sectt. Building, Sielmat haiah khawm hnu thei le thu chieng lem hriet thei ning a tih.

### JACAATB in Consultation meeting

**CCPUR:** Joint Action Against Anti-Tribal Bills (JACAATB) chun May 5, 2017, 11AM hin YPA GHQ Hall, Hiangtam Lamka hmunah public meeting a ko. Hi huna hin inhnikna nei hai thang dingin JACAATB chun a fiela.

### THANGKO

Pu Lalhimpua @ Hima (49), h/o Edenthari @ Tharte of Hmuntha, Saikaw, CCPur chu Internal Bleeding leiin District Hospital-ah a thi a, A ruong hi May 5, 2017 hin Saikaw Hmuntha Thlanmuolah vuiliem ning a tih. Kohran- Presbyterian; Puhai- Zote, Lawitlang, Ngurte (Z.L,NG)

## Manipur a Electric la var nawna khuo haiah December, 2018 chenin electric invartir vawng ning a tih: Th Biswajit Singh

**IMPHAL:** May 4 & 5, 2017 khan Convention Hall, Ashok Hotel, New Delhi-ah Two Day State Power Minister's Conference nei a nih. Hi conference a hin Manipur Power Minister Thongam Biswajit Singh le Manipur Chief Secretary O.Nabakishore Singh hai an zo thang. Hi conference hi Union Power Minister Piyesh Goyal inrawina hnuoia nei a ni a, State le Union Territory hran hrana Power Minister-hai khawm an thang a, thla 6 liemta



sunga India rama power ngirhmun (power, coal, renewable energy &

mining) hai enawwna an nei thlang. India ramah electric

la var nawna khuo 4141 a la um a, hienghai lai hin Manipur State-ah khuo

35 a thang. Manipur a electric la var nawna khuo haiah hin December, 2018 chenin electric sukvar vawng ning a ta, Transmitters bawlna sin la zo lova um hai po po khawm bawlozi ni thang a tih. PM Narendra Modi Vision "New India" dungzuin Power chungchang policy thar siem ning a ta, hi policy thar dungzuin mipuihai chu 24X7 sung electric power pek ning a tih. Ministry of New and Renewable Energy(MNRE) guidelines dungzuin Solar Photovoltaic lights

(SPV) 70 percent subsidy-a hmu thei a nih tiin Th Biswajit Singh chun a hril. Hi thil hi Manipur State-a Solar energy mipuiin an hmang uor lem theina dinga thaw a nih.

Sawrkarn thlungpui chun Manipur-ah Mega Star Park indin a remti a, hi thil hi bawzui ning a tih tiin Th Biswajit Singh chun a hril baw. Power Minister chun Manipur mipuihai in-chunga Solar panels/power plant siem chu lunglut seng dingin ngenna a siem.

## BSI Collectors Fellowship nei



**CCPUR:** Bible Society of India (BSI), Churachandpur Branch chun May 4, 2017, 10:00AM khan Synod hall, IB Road, CCPur hmunah Branch sunga Collectors fellowship an hmang. Hi huna hin Bible Society of India, CCPur Branch sunga mawphurna nei hai le Collectors hai an thang tawl.

Hun hmangna hi Rev. Vanmawia, President, BSI, CCPur in a keihruoi a, Collectors tiengpanga inthawk Salsawmthang Inboun, ICI Sielmat, Khawlnu Gangte, ESC Tuibong, Upa B Lalramsanga, TTP Lamka,

Upa Sutzamang Kipgen, ECA Tuibong, T Khamkhanpau, EBCC College Veng, Upa Hausei Gangte, ESC Moreh le Upa ST Li-ana, KSP Salem Veng han an experience hai hrilna hun an hmang a, Upa Vanlallawm Guite, Treasurer, BSI, CCPur Branch in infuina thu a hril.

BSI, CCPur Branch hnuoia Collector hai hin khatath fellowship vawikhat an nei zie a, collector a hin district sunga kohran tum tum pakhat pei hmang hlak niin tuhin BSI/CCPur hnuoia Collectors 60 chung an um mek a nih.

## WIY mum Rs. 9 lakh manhu le nupui 1 man

**IMPHAL:** Zanikhan 12 Assam Rifles han Moreh a inthawka Imphal pana fe Maruti Eco MN0156031 chu Khudengthabi hmuna sukchawla an dapnaah World is Yours(WIY) mum

1823, Rs. 9 lakh manhu an dapdawka, a neitu Nemneife(38), W/o Th.Henmuanlal of Churachandpur leh an man a, Police kutah an pek niin Assam Rifles thusuok chun a hril.

## State Level Youth Convention Governor in a hawng

**IMPHAL:** Ni 2 sung aw ding State Level Youth Convention, 2017 chu zanikhan Gandhi Memorial Hall, Imphal-ah nei tan a nih. Hi convention hi khuolien nipumin Governor Najma Heptulla in a hawng. State Level Youth Convention, 2017 thupui chu "Role of Youth in Socio-Economic Development" ti a nih.

Hi huna khuolien Dr Najma Heptulla c in thu a hrilnaa chun, India ram mipui hai laia 27.7 % hai chu thalai an ni a, thalai hai hi tha taka training pek chun ei ram rolu an ni a, sienkhawm training tha



taka pek an ninaw ruok chun ram le hnam ta dinga harsatna le sietna an ni hlak a nih tiin a hril. Thalaihai lampui indika thuoina ding le state tum tuma thalai hai platform pakhata

tiin a hril baw.

Youth Convention hawngna hin Executive Chairman, MASLSA & Justice, High Court of Manipur N. Koitisor Singh chu functional president in a thang a. Thu a hrilnaah, Youth Convention hi thalai le students han ei ram fundamental law an hriet theina dinga pawimaw em em a ni thu hrilin student hai chu India danbu (constitution) tiem a, Rule of Law hai hriet tum dingin an fui. Convention thupui dinga ei hmang hi tuta ei society ngirhmun le inhme em em el a nih tiin a hril.

## Education Minister-in Sainik School sir



**IMPHAL:** Education Minister Mr Th Rasdhesyam chun Sainik School, Pangei-a mi tu kum January 4-a lirinhnungin a suksiet hai chu Ningani khan a va sir a. Siemthat ding tamkhai chu a thei ang ang siemthatna dinga a thangpui ding thu a hril a, iengtak am a thangpui ding ti ruok chu tuhin chu a la hril el thei naw thu a hril.

Minister chun, a sirna hi ama le a rawi han inchukna hmunhai umdan survey an neina le inzawma hng a nih a. Sainik school pawimaw le thulhai thuah Detailed Project Report siemin central-ah a tul anga anga thangpui hni a ni ding thu a hril.

District tina sikul student haubai chu inchika lak khawm an nih a. Sawrkarn

thlungpui kuomah proposal pekut ning a ta. Sawrkarn thlungpuiin a hun takah a pawmpuia a pek suok naw khawmin, kum khatath proposal pakhat-pahni bek zofel thei dinga a pawmppek a beisei thu a hril.

State sawrkarn hieng proposal hai hi kum khat-hni sungin ei zo thei ti a hung hriet pha chu, inchukna hmunhai sukchangan dinga proposal dang dang-hai khawm a hung pawmin a hung pek pei a beisei thu a hril baw.

Minister hin classroom, top floor-a morning Assembly an neina hlak le hostel lir inhnungin a suksiet hai a fang kuol vawng a. Library le computer room hai bakah student 950 inlengna auditorium bawla um mek khawm a

thingkung tam lem phuana a compound vel khawm mawi taka cheimawi dingin an fui baw. Education Minister hi Principal le Vice-Principal hai chun Minister kuomah Memorandum an lo pek.

## CM inrawinain Review meeting an nei



**IMPHAL:** Tamenglong le Noney District haia development projects tum tum haia dingin zanikhan CM N.Biren Singh inrawinain CM Secretariat, Imphal-ah review meeting nei a nih. Hi meeting a hin Administrative Secretaries, District Administrators, Head of Department, District Level Officers of Tamenglong le Noney District, Cabinet Ministers

le Tamenglong District a MLAs 2 hai an thang.

Hiengang meeting hi Hill District dang haiah khawm nei la ning a ta, Tamenglong le Noney District hai hi a tanna a nih. Thurawn le ngaidan chi hran hran ei hriltlang bakah ei harsatna le mamawhai ei inhriluo hi thil tangkai tak a hung ni ding a nih tiin CM chun a hril.

## PDDC in Pu Ngursanglur an inhmupui



**CCPUR:** Pherzawl District Development Committee (PDDC) thuiotuhai chun zanikhan Ex-MLA Pu Ngursanglur chu Pherzawl District sukpuiting dan ding chungthuah Light-house Lane-a a chengnainah an van hmupui. Hi huna hin Pherzawl district sukpuitingna ding chungthua ngaidan hai hrilpui a nih.

Pu Ngursanglur chun, ei rama sawrkarn ngirlai BJP an ni leiin ei thil dit le mamaw ei nawr hrat theina ding a ni phawt chun ei

## EVM thuah EC in May 12, 2017 in all Party meeting a ko

### NEW DELHI:

Congress party thanga India rama Opposition parties han Electronic Voting Machines (EVMs) sukchuping le sukdanglam thei a nih tia intumna le sawiselnasa tak an siem le inzawmin Election Commission of India (ECI) chun May 12, 2017 khin All-party meeting a ko tiin official thusuok chun a hril.

All Political Party meeting huna hin Election Commission chun EVMs hai taw le sukdanglam thei nia intumna um chungthuah political parties hai hriltlangpui le, EVMs hai tawkdanglam mei mei thei a ninaw dan fie taka hril le convince a tum a nih. Intumna um chungthua hin



Election Commission chun thla hmasa lai khan debate nei dinga 'open challenge' khawm a lo thaw ta a nih.

Election Commission chun hienganga ringhlana nasa tak um le inzawm hin mipui le political parties tum tum han EVM ah ringzona an nei theina dingin hmatianga election la nei ding haia chun Voter-Verified Paper Audit Trail (VVPAT) technology hmang dingin rawtna



a lo siem ta a nih. VVPAT hi voters annawleh candidate an vote hai an dik le diknaw fienna dingin paper slip a hung print dawng peina ding a ni a, a hnungah sawiselnasa a lo um khawm enaww thei dingin siethat pei a ni ding a nih.

VVPATs hmang dinga EC in rawtna a siem le inzawm hin sawrkarn thlungpui chun VVPATs 16.15 lakh inchawkna dingin thla hmasa khan

Rs. 3,173.47 crores a lo sanctioned ta, tuhin EC chun VVPATs hi siem le inchawkna dingin Order an suo ta a nih. VVPATs hai hi Bharat Electronics Ltd le Electronic Corporation of India Ltd han siem an ta, September 2018 vela an siemzo le pekdaw hman beisei a nih.

Chief Election Commissioner Nasim Zaidi chun, India ram chu khawvvela election haia VVPATs

hmang hmasa tak a ni ding thu thla hmasa khan a hril.

EVMs hi Congress, Samajwadi Party, Bahujan Samaj Party, Aam Aadmi Party (AAP) hai thangin Opposition parties 16 hai chun sukchuping le tawkdanglam thei a nih tia intumna EVM hnawla Ballot paper hmang nawk dingin rawtna an siem a nih.

Tuchena hin chu VVPAT hi candidate, a agent annawleh Returning officer in zieka ngenna a siem haia chu VVPAT hi hmang phal a la ni hri a, sienkhawm hienganga sawiselnasa le ringzonawna nasa tak um leia EC in VVPAT hmang dinga rawtna hi a hung siem ta a nih. (TOI)

**VAWISUN THUPUI**

Chuonchun pathien thuthuin um ro; amiruokchu Diebol chu dodal ro, chuonchun tlanhmang san a ti cheu. Pathien hnai ro, chuonchun aman hnai a ti cheu. Mi suolhai, in kuthai sawp'ai ro, lungril int' hieng nei hai, in lungri hai sukthieng ro.  
-Jakob 4:7-8

**Editorial**

**Ni 100 sunga Development Works 57 thaw ding**

Vawisun hi N. Biren Singh Chief Minister nina le BJP thuoina hnuoia Manipur Coalition Government ni 50 a tlingna char a nih. Tuchena an lang dan le a thu chun sawrkar thar hi Sawrkar tha le thienghlim a hung ni ding niin an lang. Manipur mipui hai chun Sawrkar hma lak danah inthlakthlengna hung um sienla an nuom a. Chief Minister thar hmalak dan hi hang en chun Manipur-ah inthlakthlengna iemani tak chu a hung um ding niin an lang. Manipur state sawrkar hnuoia thawktu, a lien tak le an hnuoi tak hai chenin CM thar hi inzana le ngaisangna tak an nei a, powerful Chief Minister a nih an ti deu seng a nih. Hi lei hin sawrkar hmasa ei lo inhranpui ta hlak hai nek chun, N. Biren Singh CM nina le BJP thuoina hnuoia coalition Government hin inza a hlaw lem ti hmu le hriet thein a um. Sawrkar thawktu han sawrkar thara CM le a Minister-hai an inza lem lei hin state sawrkar sinthawna khawm a hung hrat lem le a hung thienghlim thei beisei a um.

CM N. Biren Singh thothing hi a tha hle a. Hi lei hin a hnuoia Cabinet Ministers le Parliamentary Secretary hai khawm totawkin an um bik naw a, an thei ang taww takwin hma an lak ve a nih ti chu mitin chanchinbu tiemtu le TV news enhlaktu hai chun ei hmu seng ring a um. CM, Cabinet Ministers le Parliamentary Secretary-hai hi thothing tha taka an t' hangruol pei ani chun Manipur ram hin hmel danglam putin a hma nekin hma a hung sawn lem ngei beisei a um.

CM khat that le felna lei chauva Manipur ram hi hmel danglam hung ni phut ding le hung hmasawna duok duok thei ding a ni nawh. Manipur ram le a mipuihai inthanglien le hung hmasawna ding chun CM le a khawnbawlhai an thangruol a, a state mipui han ei thlawp a tul a nih. Ram hmasawna ei ti hi mi pakhat chauva thaw thei a ni naw a, thangruola thaw chi a nih. State sawrkar a fel a, an dik a, a ringum chun a mipui tiengpang khawm ei fel, ei indik le ei ringum a tul. Chuonganga inkuhngroolna a um naw chun ramin hma hung sawn thei ngai naw nih. Ei state a sawrkar thar chun inlangtlang taka thil a thaw ding thu le corruption a sukbo ding thu a hrii rawp ta hlak. Inlangtlang sawrkar le corruption umlo sawrkar ei dit a ni chun, mipui han thamna pek le corruption hi ei hnaw, ei theida le ei do ngam tak tak seng a tul a nih.

Manipur a coalition Government in sawrkarna ni 50 an chel ta sung hin CM N. Biren Singh chun Manipur Hill District Headquarters pathum, Ukhrul, Kangpokpi le Senapati hai a sir hman ta a, Manipur in CM a nei ta hai laia ni 50 sunga Hill District Headquarters sir rawn tak a nih. Ukhrul le Kangpokpi District hai ta ding lem chun economic package a lo puong ta a nih. CM hin Hill District dang hai ta ding economic package hi a la puonglang zawm pei ring a nih. Sawrkar hmasahai khaan chu hiengang economic package hi an puong ngai nawh. Sawrkar thar ei hung nei a, CM in thaw dan thar a hung nei hi lawm a um a, ei state ta dinga hmasawna sirbi thar a hung ni thei ngei ring a um.

Churachandpur District a ding khawmin CM le JACAATB han inbiekna an hung nei thai ta a, inbiekremna la um naw sienla khawm inbiekna nei theia a hung um ta hrim hrim hi sirbi pakhat chu ei sir nawk ta tina a ni a, inbiekna hi an la hung sunzawm pei ding niin an lang a, Churachandpur District mipuihai chun iemani bek a hung rasuok ngei beiseiin an lo thlir a nih. Inbiek thei naw nek chun inbiek theia a hung um hi a tha a, inbiekna vawithum an nei ta a, an inbiek nawk hung chu iemani tak hung rasuok ding in lo beisei phawt ei tih. Hi thil khawm hi ei hmasawna pakhat a nita tho a nih.

N. Biren Singh sawrkar ni 49 a tlingna ni tak, May 3, 2017 a state Cabinet meeting chun an sawrkar ni 100 sunga an thaw ding an induong fel a, hi hun sung hin Development Works 57 thaw ding an rel. Hi thil khawm hi ei state ta dinga thil thar, ni danga la um ngai lo, ei hmasawna pakhat a nih. Ni 100 sunga Development Works 57 an thaw zo thei chun ei state ta ding chun hmasawna lien tak a hung ni ding a nih. Hi thila inthaw khawm hin ei state ah inthlakthlengna a hung um ding a nih. State Cabinet meeting in ni 100 sunga development works chi hran hran 57 zo hman ding an riruong hi a state mipuihai chun beiseina lientak neiin an lo thlir thup a nih.

**Sasikala in review petition a file**

**CHENNAI:** Jail-a intang mek AIADMK leader Ms V.K. Sasikala chun corruption case-a Supreme Court in kum 4 sung jail intang dinga a Supreme Court in kum 4 sung jail intang dinga thiemnaw an changtir a nih. (AIR)

**Editorial Board**  
**Lalmalsawm Sellate:** Editor & Publisher  
**Roding L. Sellate:** Jt. Editor  
**Ramditum @ Rama Ralsun:** Asst. Editor  
**Lalsansuok Pulamte & Samuel Zothanglien@SZ Zote:** Sports  
**Joseph Joute:** Freelance  
**Lalruotlien Dulien:** Computer Assistant  
*Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.*

**MISSIONARY DAY**

(5, February 1910 Vrs 7, May 1910)

- Ramthienhlim Varte

Ei rama chanchintha a tlungna kum 100 tlingna lawm dinga ei insangsa mup mup lai khaan Hmar Kristien Centenary Debate ti ka ziek Sawrtuia insuo khaa ka hei thlirlet a. May 7, le February 5 Missionary Day a hmang Kohran pawl ei hung inthe nei nuoi ei hi a pawl em em el a.

Senvavn khuoa chanchintha a hunglut tan dan hi Kum 1984 October 5-8 a Hmar Biel Seminar, Senvavn-a nei tum khaan Kohrana thuoi tu, mithiem, ram le hnam invawi ei fe tha em em el a, ei thurel tam tak sukputing a um a, chulaia pakhat Seminar resolution B (i) Sakhuona tienga ei rama chanchintha hunglut ram le hnam tadinga mellung pawimaw tak a ni leiin a hun le ni fe taka siem ding ti khaa a nih. Kha thu buoi puitu dingin Prof(Dr) Lal Dena ruot a ni nghe nghe. Chu le inzawmin Dr Lal Dena chun Pu Tlangval chu **February Ni 5,1910** in Senvavna lutin a mansa a bang annawleh, a bawmrang chu an nght ngei a nizie a hmudan ziekin Hmar biel Seminar thuthlukna inza takin (a hun tiem sung ngei) Hmar biel Seminar follow up Committee-a a pek lut a. Lungrool taka pawm tlang a ni a. Hmar biel Seminar Proceedings tiin THURO Journal June 1985 a khawm insuo a nih. A ziek a pawimawna deu deu hieng a hnuoi a ang hin:

"Ei rama Missionary-hai sulhngung sui dingin kum 1982 khaan London Missionary Archives, London University, India office Library, Baptist Missionary Archives le National Library of Welsh, Aberystwyth sirna ka nei a. Welsh Library-ah Dr Peter Fraser personal file ah Pu Tlangval lekthawthun kuta ziek dam, khawla sut dam tam tak hmu thein a lo um a. Chulaia document pakhat chu OFFICIAL STATEMENT OF THE THADO-KUKI PIONEER MISSION ti a nih. Hi hi Rev D.Lloyd Jones le Pu Tlangvalin an buotsai a nih. Hienghin an ziek - "**Kum 1910 January thla tawp laivel tak chun Mr Roberts le Lushai Christien thenkhat Manipur panin an suok daww a. An suok daww hma chie Pathienni (Sunday) zantieng Biekin an inkhawm a, Rev D.E. Jones chun zinga Manipur pana suok daww ding thu a puong a; Lalpa malsawmna an dawng ngei theina dingin tawngtina a inhan a nih.**"

A tanbaw suita titakzeta Long life Calendar meu phara suuin January thla tawptieng taka Pathienni chu Tarik Ni 30 a ni leiin Tarik Ni 31, 1910 Thawntanni a Aizawl suoksana Senvavn khuo panin Pu Tlangvalhai chu Senvavn-a Pu Thangneirum le Pu Kaithangin an lo hmuok a, Pu Tlangval le a rawihai chuh **February 5,1910** nisa inher zantieng pang chun an tlung thar a, Pu Hrangthangpa inah an riek a. February 6, 1910 Pathienni hamin Pu Tlangval chun Lailak zawla thuhriin **Johan 3:16 Pathiennin khawvel a hmagai bek bek a, chuonchun a nau pakhat neisun a pek.....**ti a tiem zovin Pathien thu lo ring ta ro aw, a ti a, **February 5, 1910** hi inghatna le besan tak chu Official statement of The Thado-Kuki Pioneer Mission (written document) uluk taka Pu Tlangval le Pu Lloyd Jones-in an buotsai a ni leiin pawm tlak a nih"tiin.

Chun, Pu Darneila Khawlum-in **Souvenir of the General Assembly Diamond Jubilee, EAC 2008-a 'Manipur Sima Missionary Day le a Kum Suina'** ti a ziekna a chun Dr Peter Fraser le Watkin R. Roberts haiin Manipur Simthlangah chanchintha a la tlung nawh ti hrein Gospel hriina hmun ding zawngin enthlakna (survey) an hung nei a. Watkin R. Roberts (Pu Tlangval), Thangkai Vaiphei, Bualtang khuo le Lungpau Vaiphei Maite khuo haiin enthlakna an hung nei zo khaan Manipur-a chanchintha hrii dingin Vanzik, Sawvay le Thangchingpua an hung tir a **May 7,1910** ah Senvavn an tlung, tiin a ziek a.

Chun, hi Souvenir-a hin "**NEIG Mission Chanchin Tlangpui A bik takin EAC'** ti Rev (Dr) Lalhmuklienn Mission Director, ECCEI-in a ziek para 6na chun "Senvavn Lal Kamkhawm a felna angin Watkin R.Roberts (Sap Tlangval) chun Thangkai le Lungpau hung thuoini 1910 February thla'n Manipur Simthlang biel Senvavn khuoah an hung inzin a. An ni hi Rev Wiliam Wiliams ang bawka Missionary Manipur Simthlang biel hung sir hmasataktu an nih. Pathienni zan an ni puola inthlana inkhawm hmang a ni a. January 31, 1910 Thawntanni Aizawl-a inthaw

Manipur Simthlang biela Senvavn khuo panin an hung inthaww daww tan a. Lampui hredingng Watkin R. Roberts chun Thangpau le Lungpau a hung thuoi a, thuumhnaw phurtu iemani zat a hung thuoi baww a. February thla chun Senvavn an hunglut tah a.

Aizawl February thla tawptieng an tlung a. Manipur-a Pathien thuhrii fe dingin an naupang chawmhai lai mi an zawng ta nghal a. Tlangval pathum - Savawma, Thangchingpua le Vanzika hai an inpe a. Manipur-a Pathien thuhrii theina phalna pe dingin Manipur political Agent kuoma thirhuan an thawn baww a. Chuonchun Pathien ringsanin Aizawl inthaww chun an hungsuok tah a. Changzawla ruo a sura Vanzika hai khuo a ni baww leiin ni 9 zet an cham a. Hi khuo an um lai Aizawl khuolzin fe hungkir hai chun lekthawthun an hung hawn pek a. Manipur Bawrsap thirhuan Senvavn-a rawngbaww phalna a ni a, chuonchun an lawm ta em em a. An ni chu **May 7,1910** in Senvavn khuo an hungtung a, Pathien thuhrii an tan tah a. Chu ni le kum chu NEIG Mission kohran buo intanna le Manipur Simthlang biela Pathien thu hunglut tanna a ni leiin hun sawttaka inthawkin Missionary day a hmang a ni hlak....." tiin a ziek ve.

Hi Souvenir a baww hin "**Pastor rawngbawlna**" ti Rev Huolthangsei Thiek khawmin "Manipur Simthlang Biel (Churachandpur) a hin May 7,1910 khaan Watkin R.Roberts hmalakna zarin Senvavn khuo chanchintha'n Bu a khuor tan a. **May 7,1910** tuta Missionary day Sawrkar thawktu chen khawma an inser ta zing hi a nih. Senvavn khuo Chanchintha Mansa bangna eiti vet khawm hi hieng lei vavng hi a ni lem a nih" tiin a ziek ve.

Leh, a chung a ei hungziekhai bakah lekhabu le article tam tak hmu ding a um. Thil liemta hnung sui hi a sawt deu talem chun sa hnung sui ang deu a ni leiin hrii insiek le se chier ding a tam nuom reng a. Amiruokchu, a ziektu an tam po leh an diktak chuh a a hung inlang hlak. Selpawtaww zawng pawl le pawl siema inkhat tuo ding chun hrii kawi thei tam tak a um. Senvavn a Pu Tlangval hunglut dan chu **February 1910** ngei a nih ti a chientaww hle a. Senvavn Lal Kamkhawm khawm an hmuopi a, a lo lawm hle a, a khuoa umding le Skul khawm sie dingin a lo hrii. Pu Tlangval le a rawihai chun thil iengkim an hriet fel a, an khaw sir nuomtakk Senvavn an va hmua rawngbawlna ding bua khuorna thei ngei ding an hriet hung chun Aizawl tieng an kir nawk a, rawngbawlna tak tak nei dingin Dr Fraser Skul naupanghai lai Manipur Simthlang ramthina Rawngbaww nuom an zawng a, tlangval pathum Thangchingpua(Taite) Chhange, Phullen, Mizoram; Vanzika, Ratu, Mizoram; Savawma (Vawmkaphanga), Lungthulien, Manipur chu inpe'n Senvavn an hung pan tah a, ramthim suk engna dinga rawngbaww tan ni le bu an khuor tan ni chuh **May 7,1910** a nih. Hi taka hin Pu Tlangval chu a thang ta naw hrim a nih. Chuleiin, ei rama chanchintha a hunglut dan chuh **February 5,1910**-in Pu Tlangval le a rawihai rawngbaww tan dan ding en thlilaina neia Senvavn an tlung ni a na; **May 7,1910** hi rawngbaww tan ni a ni ti chient tak suisook a ni leiin ni pawimaw ve ve, tlangram lo neitu haiin an lo hmun ding inchikna per an zep a, vat dinga an thawksuokhai leh hin ang khatah ngaive thei hram in la a tha ka ti a.

Thenkhatin Pu Tlangval-in Senvavn nekin Parvachawm a sir hmasa lem dam ei ti a, **hi selpawtaww a nih.** Parvachawm khuo sir tuma hung an naw a, a lampuia a hraw, zan riek a tula a riek chau lem a nih. Chuleiin, February 5 hi Missionary day-a pawm thei naw pawl ei um tat a ni si chun ni pawimaw pahnhai hih hieng a huoiang hin a thethawp in la ei pawm tlang vavng thei naw mani. **FEBRUARY 5,1910 : CHANCHINTHA LUTNI MAY 7, 1910 : RAWNGBAWL TANNI.** Sap tawngin eiti Kher leh **FEBRUARY 5,1910 : GOSPEL DAY MAY 7, 1910 : MISSIONARY DAY tiin**

**Centre in NE a ADCs hai thuneina lienlem pek a tum: Debbarma**

**AGARTALA:** Tripura Tribal Areas Autonomous District Council (TTA-ADC) Chief Executive member Radha Charan chun May 3, 2017 khaan Union Home Minister Rajnath New Delhi-ah inhmupuiin ADCs chungthu a hriipui. Mr Debbarma hi Lok Sabha mem-

ber Jitendra Chowdhury le TTAADC Executive member Rajender Reang hai khawmin an zui. Hi huna hin ADCs hai powers le autonomy lienlem pe dinga sawrkar thlungpui ngen a ni a. Sawrkar thlungpui chun India hmarsakbiela ADCs 16 hai thuneina lienlem

pek dingin a ngaituo mek a nih tiin Home Minister Rajnath Singh chun a hrii tiin Mr Debbarma chun New Delhi-a inthaww IANS palai a hrii. Home minister chu NE biela ADCs hai popo meeting neipui dingin a fiel baww niin Debbarma chun a hrii. TTAADC hi kum 1987 a indin a nih. (IANS)

**Centre in New Pension plan a pawmpui**

**NEW DELHI:** Union Cabinet chun kum 2016 hmatienga pensioners le family pensioners hai hlaw ennawna siem danglamna ding new pension plan zani hmasa khaan a pawmpui. Hi thil hi Central sawrkar hnuoia Civil le Defence pensioners nuoi 55 vel han a thathnem-pui ding a nih. Hi Pension plan hi siemthat le hmang a ni hunah sawrkar chun pensioners hai hlawin sum Rs. 1.76 crores a seng belda ding niin Union Finance Minister Arun Jaitley chun a hrii. Sawrkar thlungpui chun Armed Forces hai 7th Central Pay Commission (CPC) sukputingna ding notification zani hmasa khaan an suo baww. Army, Navy le IAF han an hlaw chungthua sawisela an siem leia. Armed forces thil hi pending-a lo um ta a ni a, hi lei hin India rama Armed forces nuoi 14 hai chun CPC January 2016 a inthaww hmanga um tuchen hin an la dawng naw a nih. (TOI)

**CBI in Delhi Health Secretary hlui case an siemkhum**

**NEW DELHI:** CBI chun zanikhan Delhi Health Secretary hlui Tarun Seema chu government hospital-a indiklo taka private firms a inthaww security ruoi an nih tia intumna le inzawmin case an siemkhum bakah a In le office hlui hai an dap. Tarun Seema hi 1992 batch IRS Officer a ni a, security firms pathum--Knightwatch, Innovation le SIS India bakah hriet ngailo pakhat dang hai indiklo takin a ruoi tia intumna leia case an siem khum a ni a, hi thila hin sawrkar chun Rs. 10.50 crore zet an hmang pha nia intum a nih. (PTI)

**Bombay High Court in a hnaw**

**MUMBAI:** Kum 2002-a Ahmedabad-a Randhikpur hmuna nuhmei naupai lai kum 19 mi Bilkis Bano suolhrawn le a naunu kum 3 mi thanga an sungkuo member 14 nurrawng taka thana inrawlna neia intum mi 3 hai thi dinga an chungthul rel dinga CBI in ngenna a siem chu Bombay High Court in a hnaw. CBI chun hnieng case hi thil vang tak le suolna raphlak takel a ni leiin intuma um mi 11 hai laia 3 hai chu death penalty pek tlak an nih tiin a hrii a, sienkhawm Mumbai high court chun an rengin danglunga lungin intang dingin a rel a nih. Court chun CBI ngenha ni hnaw sienkhawm hi case-a inrawlna neia intum ve Gujarat Police Officer le doctors pahni hai case a lo suktaiw ta chu sukthar nawk dingin a remthi. Hi case-a intum hi mi 12 an ni a, case rel a ni sungin pakhat chu a lo thil hman ta a nih. (TNN)

**NE bielah it is 22 indin belsa ding**

**DIMAPUR:** Union Ministry of Skill Development & Entrepreneurship chun India hmarsakbiel le Sikkim-ah 1 a thang. Nagaland-a it is 2 indin belsana ding le inzawmin sawrkar thlungpui chun Rs. 788.50 lakh a released ta niin zani hmasaa Union Minister of State for Skill Development & Entrepreneurship Rajiv Pratap Rudy in New Delhi hmuna Nagaland State Advisor for Department of Treasuries and Accounts Dr TM Lotha an hmuopi huna a hrii a nih. (NPN)

**B.Sc. Nursing inchuk nuomhai ta dingin**

**IMPHAL:** Medical Directorate, Government of Manipur chun Manipur Paramedical & BSc. Nursing Entrance Examination, 2017 huoihaww a tum a. Hi Course inchuk nuomhai chun Rs. 450 pein May 18, 2017 chen khin Application Form Medical Directorate, Lamphelpat-ah lak le peklut thei ning a tih. Thu chieng lem Medical Directorate, Lamphelpat-a Notice Board le www.manipurhealthdirectorate.in haiah hriet thei ning a tih.

**Haptakar khat sunga report pek ding**

**IMPHAL:** Board of Secondary Education, Manipur hnuoia HSLC Examination, 2017 a answer scripts ennaa thil indiklo um anga intumna suitu dingin state sawrkar chun Enquiry Committee an din. Hi Committee chun a thil hmu dan state sawrkar kuomah haptakar khat sungin report a pek ding ti a nih. Hi Enquiry Committee Convenor Secondy L. Nandakumar Singh, Joint Secretary, Board of Secondary Education Manipur le members dingin Ph. Nandakumar Singh, Board of Secondary Education, Manipur a Joint Director Pension ta le Sh. Bimolchandra, Board member, BSEM hai ruot an nih.

**Nagaland HSLC le HSSLC result May 8-ah**

**KOHIMA:** Nagaland Board of School Education (NBSE) chun HSLC (Class X) le HSSLC (Class XII) Exams 2017 result chu May 8, 2017 chawhngungtieng khin insuo a ni ding thu a puong. Result hi www.nbsenagaland.com; www.exametc.com; www.indiaresults.com le www.examresults.net. Haiah hmu le en thei ni dingin NBSE Chairman, Asano Sekhose chun

a hrii a, SMS hmangin NB10úspaceéRoll Number type-a 54242 a thawnin le HSSLC result chu - NB12úspaceéRoll Number typea 54242 a thawnin result hi hriet thei ning a tih.

Head of institutions hai chun marksheets le documents dang hai May 8, 2017 chawhngungtienga inthaww May 10, 2017 chenin lak thei ni dingin NBSE Chairman chun a hrii. (NPN)

**Assam-ah ACS Official 3 man**

**GUWAHATI:** Assam-a chun Assam Civil Service (ACS) officials 3 hai chu cash-for-job scam-ah inrawlna neia intum zani hmasa zan khaan Dibruggar Police han an man. Mana um hai chu Circle Officer, Sipajhar Amit Jyoti Sarma, Circle Officer, Halem, Bhaskar Chandra Sarma le Nabari Circle Officer Bhaskar Dutta Das hai an nih. Hieng mi pathum hai

hi mana um tah Assam Public Service Commission (APSC) Chairman, Rakesh Paul kara palai sin thawa, APSC hnuoia sin laknaah sin pek dinga pawisa laknaa inrawlna neia intum a nih.

ACS officials 3 hai hi Court hmaah inlangtir an ni a, Special Judge chun ni 14 sung Police custody-a la um phawt dingin an chungthu a rel.(AT)

**Congress in BJP NEDA dang dan ding**

**GUWAHATI:** All India Congress Committee chun BJP thuoina hnuoia India hmarsakbiel (NE) a North-east Democratic Alliance (NEDA) dang le hneban a ni theina dingin North East India Congress Coordination Committee (NECCC) an sukhring nawk. Hi le inzawm hin NECCC leaders le Congress Chief Ministers hai chun NE biela BJP hneban a ni thei dan dinga road-map induongin an ngaituo mek niin ei thu dawngna

chun a hrii. Hi le inzawm hin NECCC chun election hmabak Meghalaya state-ah May thla tawp hin meeting nei an tum bakah Congress Vice President Rahul Gandhi khawm NE bielah a hung inzin vat ta ding nia hrii a nih.

India rama chun Northeast hi Congress hai hratna hmuna ngai a ni a, sienkhawm kum 2014 general election-a inthaww khaan BJP chun nasa takin bu an hung khuor tan ta a nih. (Agencies)

**States 5 haia Governor thar ding ruot vat ni ta dinga hrii**

**NEW DELHI:** North East-a Full time Governor neilo Arunachal Pradesh le Meghalaya hai thangin India rama states 5 haia Governors thar ding ruot vat ni ta dinga hrii a nih. Tuhin Tamil Nadu, Madhya Pradesh, Arunachal Pradesh le Meghalaya hai chu full time governor nei lova thia iemanizat zet um tah an ni a, tuta inthaww sawtawnte hnunga States 5 haia Governor thar ding ruot a ni beisei a nih tiin official th-

sexual harassment case-a January 27, 2017 nia V. Shanmuganathan an ban hnunga Meghalaya hi Governor nei lova um niin Assam Governor Banwarilal Purohit in a lo enkai sa a ni a. Arunachal Pradesh chu Sept. 12, 2016 a Jyoti Prasad Rajkhowa ban a ni hnunga full time governor nei talo niin Nagaland Governor Padmanabha Acharya in additional-a a enkai sa a ni baww. (PT)

ALL INDIA RADIO: CHURACHANDPUR PROGRAMME		
Date: May 5, 2017 (Zirtawpni)		
TRANSMISSION- FM-101.4 Megahertz		
Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcement& Mangal Dhwani
5.00pm	P	Hymns to God : (Hmar) Fimthahnieung
5.05pm	P	Local Announcement/Prog. Summary
5.10pm	P	Minor Dialect (Kabui): Yangnu Golmei (mod)
5.25pm	P	Health Hints (Hmar): "Nutrition and physical activities for the aged- by Dr.H.L. Liensang
5.30pm	P	PAITE Prog. Sig. Tune & Announcement Announcer: Chiniakhsang 1) Chingngaihlithan (dev) 2) This Week in Churachandpur
6.00pm	P	HMAR Prog., sig. Tune & Announcement Announcer: David Traite 1) Roje Band (mod) 2) This Week in Churachandpur
7:00PM	P	THADOU Prog., sig. Tune & Announcement Announcer: Lunminhao 1) Hoineliam Haokip (dev) 2) This Week in Churachandpur
		Farm & Home: Hmar 1. Thanglienzo (mod) 2. Talk: "Peace; the need of the hour in the society" by H.P. Runremthang

LAKTAWI

Brown sugar kg. 2 leh mi pahni man

CHENNAI: Zanikhan Colombo pan ding pasal pahni hai chu DRI officials han Chennai airport-ah brown sugar kg. 2 leh an man. Brown sugar (inruithe) hi an bag sunga an thupruk a nih. DRI officials han ringhla leia an bag hai an dapnaa hieng thil hai hi an dapdaw k a ni a, mana um hai laia pakhat chu Sivaganga district-a cheng a ni a, officials han thu indawna an nei mek. (PTI)

Agni-II ballistic missile hlawtling taka ensin



BHADRAKH: DRDO in an siem nuclear ralthuom phur thei surface-to-surface Agni-II ballistic missile chu zanikhan Wheeler Island, Odisha Coast-a inthaw k hlawtling takin ensinnaa kapsuok a nih. Agni-III missile hin nuclear ralthuom kg. 1000 a rik a phur thei a nih.

Centre in J&K Governor rawtna aw a paw pek nawh

NEW DELHI: Jammu and Kashmir Governor N.N. Vohra in New Delhi hmuna Home minister Rajnath Singh an hmupui hunu Jammu and Kashmir-a Separatists hai thanga stakeholders hai political talk neipui dinga rawtna a siem chu sawrkar thlungpui chun aw a paw pek naw a, J&K a separatist hai tu le tua inbiekpui chu a nuom nawh.

Goa hmunah mipui umna hmuna zu dawn hai Jail-ah

PANAJI: Goa-a chun mipui tamna hmun le uoulau taka Zu dawn hai man le hrem theina ding Order insuo a nih. Hi dungzui hin Superintendent of Police (North Goa) Karthik Kashyap chun zani hmasa khan Order an suo a, hi thil bawsi-etu hai chu section 34 of Indian Penal Code (IPC) hnuoia man pei dingin order an suo a nih. Mipui thuoitu hai bakah Tourism sector representatives le Police official han meeting an nei zoa order hi insuo a nih. (PTI)

Pawisa hlui tamtak dapdaw

LUCKNOW: Uttar Pradesh-a Special Task Force le Directorate of Revenue Intelligence (DRI) thanguol han zanikhan Lucknow khawpua LDRC Construction Private Limited Office an dap a, Mukesh Jindal kuta inthaw k India pawisa Rs. 500 le Rs. 1000 notes hlui Rs. 99,80,000 zet dapdawkin an man. Pawisa note hai hi Specified Bank Notes (Cessation of Liabilities) Act 2017 hnuoia an man niin STF officer chun a hrii a, a case hi an suizui mek.(PTI)

India rama khawpui fai tak Indore, khawpui tawp tak Gonda; Imphal (Manipur) chu ranking 122-nain a thang



NEW DELHI: Sawrkar thlungpuiin India rama khawpui tum tum 434 hai survey a thawnaah India rama mipui tamna pawl tak Madhya Pradesh State kum 2017 a dingin India rama khawpui fai le thienghlim taka puong a ni a. Uttar Pradesh chu survey thawna in a huom khawpui 434 hai laia a mawngdap le khawpui tawp tak a nih. Indore baka hin Madhya Pradesh-a Bhopal khawpui chu a pahniina niin Andhra

Pradesh-a Visakhapatnam le Gujarat-a Surat khawpui hai chu pathumna le palina an nih. Kum 2015 survey hunu topper nina lo hauu Karnataka-a Mysuru khawpui chu list-a hin 5-nain a thang phak a, Tamil Nadu-a Tiruchirappally chu 6-nain niin, New Delhi Municipal Council chu 7-na a nih tiin Union Urban Development Minister M. Venkaiah Naidu in zanita Survey result a puonglang hunu a hrii. Ms Mamata Baner-

jee sawrkar chun Swachh Survekshan hin a thang ve naw leiin West Bengal state sunga khawpui hai chu survey le list a hin an thang ve nawh. List-a top 10 laia 6- Indore, Bhopal, Visakhapatnam, Surat, Tirupati le Vadodara hai chu kum 2016 le tekhiin sanitation tiengpanga nasa takin hma an sawn ti hmu thei a nih tiin survey report chun a hrii. Khawpui fai le thienghlimna kawnga ranking siemnaa hin uoulau taka

le Uttarakhand le Maharashtra hai khawpui pakhat ve ve an thang. Jharkhand le Chhattisgarh state-hai chu Swachh Survekshan tienghang thaw tha tak a ngai an nih. Tukumna khawpui fai taka record Indore hi kum 2016 khan rank 25-naa thang phak chau nisienkhawm tukum chu ranking pakhatna a hung kai phak a nih. (TOI) Chun, NE states Meghalaya-ah Shillong chu 276 na niin Mizoram-ah Aizawl chu ranking 105-nain a thang. Tripura-a Agartala chu 290 na a ni a, Nagaland-a Kohima 208 le Dimapur 277 na an nih. Sikkim (Gangtok) chu 50 na a ni a, Arunachal Pradesh a Itanagar chu 216 na in a thang a, Assam-ah Guwahati 134-na, Silchar 280, Nagoan 161 le Dibrugarh chu 297 na an nih.

ekin/zunin umlo (open defecation free), solid waste management, education le capacity building haihang 45% marks a phur a, field inspection ah 25% le citizen feedback in marks 30% a phur a nih. Survey thawnaa hin India ram pumpuia mipui 18 lakh velin an khawpui sanitation chungthuah feedback an pek a nih. Survey dungzui khawpui tawp tak 4 hai chu Uttar Pradesh, Bihar le Punjab haihang khawpui pahni ve ve

Ralthuom tam tak dapdaw:

KONDAGAO: Jharkhand Police le 158 battalion Central Reserve Police Force (CRPF) thanguol han Lohardaga district-a dappui nasa taka an thaw naah Naxal helpawl hai camp dapdawkin ralthuom tam tak an dapdaw. Ralthuom an dapdaw hai lai 7.62 mm Light Machine Gun (LMG), semi

automatic US siem rifle, AK 47, Self-Loading Rifle (SLR) rifle, Insas rifle 3; 303 rifle 2; 315 rifle 5, communication sets, magazines le silaimu 3000 chung zet a thang. April 24, 2017 khan Naxas/Maoist han Sukma district-a hin CRPF hai an lambun leiin CRPF personnel 25 lai zet in thina an lo tuok ta a nih.

Selfie an laknaah tuipuih a tla hlum

MUMBAI: Zanikhan Tamil Nadu mi nuhmei kum 21 mi Meenakshi Priya Rajesh chu Bandra Bandstand hmuna a unaunu le a nu hai le selfie an laknaah changsul in Arabian tuipuih a tla hlum. Ms Meenakshi Priya Rajesh le a sunghai hi

Mumbai hmuna vacation hmanga fe an ni a, a pa chun Meenakshi hi selfie thaw lo dinga a hriihsa hrim a ni a, sienkhawm selfie an laknaah changsuola vadungta tla hlum a nih. A ruong hi a hnungin laksuok a ni a, sienkhawm doctor hai chun a hringna an san thei ta nawh. (PTI)

TRS in President election-ah NDA an thlawp el thei

HYDERABAD: President ni lai mek Pranab Mukherjee hun (term) tawp ta ding leia President inthlangna hung um dinga hin Telangana Rashtra Samithi (TRS) chun BJP inrawina hnuoia National Democratic Alliance (NDA) an thlawp el thei niin zanikhan an puong. Coalition in Telangana a thangpui chun coalition candidate khawm a thlawp el thei, Telangana ta dinga tha lem lem chu TRS in thlawp a tih tiin Lok Sabha-a TRS leader AP Jitender Reddy chun a hrii.

Congress thanga India rama Opposition party tum tum han President election hung um dinga common candidate nei tuma hma an lak mekna le inawma hi thu hi Reddy in a hrii a nih. President Election hi July 24, 2017 tuta term fe lai mek tawp hmaa nei ding a nih. Hieng laizing hin Congress President Sonia Gandhi chun common candidate nei tumna le inawm hin Opposition party tum tuma leaders hai inrawnpuina a nei mek. TRS hin MPs 15 an nei a nih. (PTI)

Emman Ahmed in Abu Dhabi a pan tah



MUMBAI: Khawwela nuhmei rik tak, kg. 500 zeta rik Egypt mi Emman Ahmed chu India rama inenkawl dinga ni 83 sung a hung um le enkawla a um hnungin a rikna hi kg. 330

zeta in tlahnuoi taa. Hi le inzawm hin an ram tienga inenkawl dingin zanikhan Abu Dhabi tieng a vuongkir nawk tah. Ms Emman Ahmed hi February 11, 2017 a in-

thawka kha Saifee Hospital-a enkawl a ni a, An ram a pan hma hin Bhurjeel Hospital chun phek 29-a sa Transfer file an inhlhan. Saifee Hospital in zani hmasaa press conference an buotsaia chun, Emman Ahmed chungthua a unaunu Shaimaa Semil in tawngkam mawilo tak hmanga doctor hai khelhli pa an tumna thuan an ngaidam thu an puong a, hlawtling taka Emman Ahmed an enkawl na chu India doctors hai ta dinga hlawtlingna ropui tak pakhat a nih tiin an hrii. (TOI)

Helpawl hai hnawthmang tumin dappui nasa taka thaw



SRINAGAR: Kashmir-a Shopian district-a chun helpawl inbiruk hai hnawthmang vawng tumin Security Forces han Helicopters le Drones hai hmangin chungtienga inthaw k enthlakna sin thaw

a ni bakah sipai 4,000 chung han insunga inbiruk hai khawm dapsuok vawng tumin dappui nasa takin an thaw mek niin army thusuok chun a hrii. Dappui hi zani zingkar inhmataka inthawka kha

thaw a ni a, dappui thawna hin Army, Police le CRPF hai khawm an thang a, khaw tum tum hai sirin dappui hi an thaw a, tuchena hin thi le hliemna tuok an la um nawh tiin thusuok chun a hrii. In tin luta dappui thaw a lo ni ta hlak a, sienkhawm hiengang thil hi kum 1990s laia tawpsana lo um tah, zanita an tan thar nawk a ni a. Khawswng mipui hai chu tuola kosuok vawngin In hai chu security forces han fimkhur takin an dap vawng a nih. Hi thil hi helpawl an lo um leia inbeituonaah civil mi han thina an tuok inlau na lei chaw thaw a nih tiin Army thusuok chun a hrii. (PTI)

Britain Prince Phillip A Chawl Tah Ding

LONDON: Britain Queen Elizabeth II pasal, Duke of Edinburgh, Prince Philip chu kum 60 neka tam ringum taka Britain le a nuhmei le vantlang ta dinga rawng a bawl hnungin tu kum favang a inthaw k khin chu a official sin po po (royal engagement) haia inthawkin a chawl ta ding a nih tiin Ningsania Buckingham Palace thusuok chun a hrii. Prince Philip hi kum 65 sung chu Queen Elizabeth II pasal niin a changtieng a um ve zing hlak a. Queen Elizabeth khawmin "Ka hratna le ka himna" tia a hrii a pasal chu a nih. June thla khin kum 96 a tling ta ding a ni leiin tamna hnan a nei nawa chu an nupa inrawna hi thutluka ni an siem ni dinga ring a nih. Elizabeth khawm April khan kum 91 a tling tah.



thawktu po po an ko khawm ngai si naw leiin. "Prince Philip chu August chena program lo um tasahai chu la thang thei a ta, a mimal program le lalnu thanga program ah. Chu hnungtieng chu Duke hin official felna iengkhawm pawm thei ta naw nih, ama nuom thua public event hai fea a thang ve ti naw chu, Royal Engagement (representative) angin a thang thei ta naw ding a nih" tiin Buckingham Palace thusuok chun a hrii. Lalnu ruok chun "official engagement" po po full-in la fepei a tih, a ti baw k. Hi thu lei hi ning a tih, Thawlenni khan Queen Elizabeth chun Prime Minister Theresa May inhmupuiin June 8 General Election

stitution dan taka chu nina felfaitak "clear cut role" nei lo a nih a. Lalnu (Queen) pasal (kawppui) a nina anga a ngirhmun ding siemfel dingin a buoi ve nak nak hlak niin a hrii. "Ka hmaa mi an la um naw a. Mi kuomah, 'Iem thaw dingin in mi dita?' ti indawn inla, hrii ding an hriet bik nawh. Tukhawma idea an nei bik nawh" tiin a role ding taka harsatna a tuok ve dan BBC a hrii. Ringum takin Queen Elizabeth pasal, Duke of Edinburgh nina chelin a tul ang angin Royal Engagement hai a thang a. Rorelna tak le official thila ram pum huopa aiawtu nina chu a nuhmei Queen Elizabeth II a ni tlat leiin ama role chu a langsar bek bek ngai naw a nih. An hriselna hi a tla hnuoi ve tiel tiel a, ni kum 2016 Christmas khawm kha hmang thei lovin chawl an lak hlawl a nih. Hi baka hin March 2013 khan phing tieng natna (abdominal investigation operation) thawin at a nih a. Lalnu Diamond Jubilee hun lai tak khawm khan gall bladder natna leiin damdawina admit a nih a, a hma 2011 khawmin lungphu hrat naw le awm na leiin enkawl a nih baw k. Chuonga hrisel naw

tak pum chun 2016 khawm kha US President hlui Barack Obama le a nuhmei chu Windsor Castle le compoond velah motor-in a la tlankuol pui zek zek thei a nih. Obama chun, "Duke of Edinburgh-in motor in a mi phur ka ti thei ngai naw ding kha ka ti thei tah ding a nih. Bakah motor chungon inhawi tak a nih" tiin a hrii a nih kha. Tawng nuom le titi nuom, Greek mi Navy officer hlui, lungrawm le lung sen thut hlak Philip hi a tawngbau inveng hne naw hun le inthunun lova thil thaw thut hun dam a nei hlak a. A hner dam a pe suk hlak. Vawikhat lem chu photographer a baukhat ngheka, khawvel an dar chum chum ngahl a nih. A hmela lung ni nawna suklang zau dam a ching hlak. Queen Elizabeth II le Prince Philip hi 1947 khan Westminster Abbey ah an innei a. Liemtah 1997 khan Golden Jubilee an hmang a. Hung thung ding November khin Platinum Jubilee (70 year) an lawm ding a nih. A sin chawl na hi British PM Theresa May chun, "deepest gratitude and happiest wishes" tiin a thawn ve.

PIGROW Tablet VAWK INTHANGNA DAMDAWI I vawk zawr hun tiingna dingin kum khat nek tam ngahk ngai tanaw nih. A THATNA: \* PIGROW mum hi Company-hai ti dan ang taka i pek chun thla 5 sungin kg. 70 chungkai hman a tih. \* PIGROW mum hin, i vawk chu i pek tana inthaw k chawl der loin an thang tir thei. A PEK DAN DING: \* Vawk pakhatah nikhatan mum 20 (zingtieng mum 10 le zantieng mum 10) pek ding. \* Box khat ah mum 600 a um a, chu chu thlakhat sunga a fakzo ding a nih. \* Rawt phita pek in fak awlsam an ti lem. INCHAWK THEINAHAI: 1. Hmingi 2. L.K. Screen Printing Bethel, CCPur Lighthouse Lane, CCPur # 8414852391 3. Pet Care Centre, Tiddim Rd. CCPur. Order tam dan dungzuiin HOME DELIVERY khawm kan thaw thei. Rs. 350/- per Box

LAWMTHU HRILNA Hun iemanichena inthaw k ta khaan Pile natna ka nei a. Sawt tak tak inhnawmnaun hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chung a hung hrii a nih. MV Azad Phusam hi nitin 8AM-4PM inkar sungin Teddim Road, Old Bazar, Near Lamka ICI Church Road-ah pan thei le Mobile Phone Nos. 8014025567/ 7628890261 haihang biekravn thei a nih. Lawmthu hriitu, Sd/-Nungthanzam Rengikai

France President Candidate 2 Hai debate



PARIS: Hung thung ding Pathienni (May 7) a France President ding inthlangna hmasuon ding Ms Marine Le Pen (rightist) le tiing ngei dinga tamtak ring Emmanuel Macron hai chu a vawikhatna dingin TV live debate an nei a, an thang nasa hle. Thirtu mipui million 20 neka tamhai hmaa chun, Macron chun, Ms Le Pen chu mi nunrawng, pawisak inhrawl a ni leiin a tling chun France ah civil war a suok ding niin a hrii a. Ms Le Pen chun Macron chu Muslim helpawlhai chungang nunnem, ram le hnam venghim zo lo ding tiin an tum baw k. Darkar hin zet national security thuan an insel a nih. Ms Le Pen-in helpawlhai tulaia France ram sukbuoi zing zinghai laka 'nunnem' le national security ngai pawimaw lova an tum Macron chun, "Islamic helpawlhai chu kawng iengkimah" a bei let ding thu a hrii ve. France hin Muslim helpawlhai kut a tuor nasa tah em em leiin national security thu hi issue pawimawtak a tling tah a nih. France hmakhuo ding le helpawl do dang le Euro (sumdawngna) thua an inselnaa chun, Ms Le Pen chun Macron chun, tuta sawrkar fe suok mek Socialist sawrka economic minister niin sumdawngtu (banker) hlui, politics tak tak hrelo angin a hrii a. President Francois Hollande 'uichal' tiin, 'globalisation fe suol' candidate niin a hrii baw k. Macron chun, Ms Le Pen chu France hratanak EU suoksana, mipuihai fak le dawn inotodena ding khawm ngaisak lo, nunrawng le helpawlhai do chau ngaituotun angin an tum ve a.

An rama sin nei lo tamtakhai hmakhuo khawm ngaisak lova an tum baw k. Macron hin personal thil deuin a bei hlak a, Ms Le Pen chu 'khel hrii' le 'midanga inngat' (parasite) angin a hrii. Ms Le Pen chun personal thil a hrii leiin, Macron chu 'puotieng naupang' a 'sungtieng chu tar' tah, a policy hai khawm kum tamtak hlawsama lo um tah niin a hrii a. An inselna thupui tak ruok chu an ram 'national security' thu a nih a, iengtinam him taka an um theina ding ti a nih tak. Ms Le Pen chun Macron chu 'national security' thilang 'plan' iengkhawm nei lo, ram sukralti tu tak Muslim helpawlhai khawm ngaita ah an tum a. Macron chun, Islamic helpawlhai President a tling chun lawm hle an tih, asan chu an nuomzawng tak 'indo' a thawpui ding a na, sukphur hleang a tih tiin a hrii ve. President ni thei ve ve ding pahnihai hin France ram ta dinga an vision an hrii ve ve a, chu chu tannin an insel a nih a. Pathienni khin tu'm an tling ding hriet ni tang a tih. Ms Le Pen hin ramdang mihai hnanna le theidana an party-in an nei tlat hi tlawma sukhuoia, midang le cheng tlang an thei ve ti suklagna remchanga a hmang thei chun an party hmel khawm a siem tha ding a nih. France hi midang ruol ngai, midang le um tleng diel diel amanih, ramdang mi hrim hrim lo welcome vawng hlak inhawng deu , mi le indo nuom lo an ni leiin mani inlakbang taluo hi an ngai thei naw a nih. Amiruokchu, tulaia Muslim tamtak an lut a, anni lai helpawl an lo inzep pei leia an tuorna leiin national security an ngai pawimaw naw thei ta naw a nih.

# TUOLSUNG Yamaha Showroom hawng

CCPUR: Zanikhan K. Salbung Tiddim Road-ah Alal & Joshua motor ti Yamaha Showroom hawng a nih. Showroom hi Khaopao Haokip, Chairman, ADCC in khuolienna thangan a hawng a. Rev. Hemkhomang Haokip, Principal, DTS in Pathien kuoma inhlanna a nei.



Khaipao Haokip chun, K. Salbung khuoah Gas Agency bakah Yamaha Sub-dealer showroom hawng um chu hmasawna a ni thu hrilin hmateng khawm hmasawng pei dingin ditsakna an hlan.

## CCPur police hmalaknaa an lungawi taww naw thu

CCPUR: Kum 2016-a CCPur a inthaw motor iemanizat hire dinga laa pekkir ta loa an umna thu le inzawmin zani zantieng 3:00Pm khan Gouchinkhup Veng, New Lamka hmu-nah motor neitu han reporter thenkhat an inhupui. February - July, 2016 inkar sung CCPur-a Motor hire dinga latu Ningthoujam Opendrajit Singh (39), s/o N. Khelemba of New Bazar Bus parking in mi tum tuma inthaw motor 39 lai zet agreement tha tak zicka a hmang pek thu, a hnunga motor pekkir an ni tanaw leia CCPur Police stationa complain pea FIR registered le investigation thaw danah CCPur Police hmalaknaa an lungawinaw thu hrilin CBI insuitir dinga Manipur CM kuoma ngen an tum thu an hril.

## US Force Hai Mosul An Lut, ISIS An Tlawm

MOSUL: Islamic helpawhai hnuok taww chu an lan taww pei a. US sipai le Iraq sipai thanguolhai chun an la hnuw chep pei a. Mosul khawpui khawm a rengin an lak kir nawk vawng tah. Ningani khan US thangu-pui Iraq sipaihai chun Mosul hmartienga inthawkin an bei nawk a. Islamic helpawhai chu north-western kil, Old City an ti, June 2014-a ISIS han an laka flag an tar tanna, Grand al-Nuri Mosque lai chauh an um tah. Hi lai biel khawm hi Iraq sipai 9<sup>th</sup> Armoured Division le Rapid Response Units hai chun an bei mek a. Hi beina hin Interior Ministry hnuoia Counter Terrorism Service hai hmalakna a thanguip ding a nih. Federal Police hai chun south tieng an lo nawr zing baww a. Brigadier General Yahya Rasool chun, "Darkar hmasataka inthawkin kan sipaihai chun nasatakin hma an sawn a. Daesh fighters (helpaww) hai chu nasa taka hnuw chep an nih" tiin TV program pakhat a hril.

Brigade hai umna Old City an lut tum a nih. US le ruolhai chun air le transport support an lo pek pei baww a, an lak vat beisei a nih. Mosul hi an lak vawng tah chun Iraq a Islamic helpaww ISIS hai hmuupui tak an lak tah tina a ni ding a nih.

Hi lai Grand al-Nuri Mosque a inthawkin hi nih ISIS hai thuoitu Abu Bakr al-Baghdadi-in July 2014 a khawwvêl hrietah an pholang a, Muslim lahran "caliphate" indin a ni thu a puong a. Sunni Muslim ni lo le Sunni Muslim khawm, hi an thupuong le thuring pavm nuom nawhai chu nasataka an sawsak lein Muslim le Muslim sūngah indona a hung intan a, a kai zap peina chu a nih.

Iraq sipaihai chun April 30 khan Mosul khawpui po po lak vawng an tah tiin an puong a. ISIS hai ruok chun Mosul lak vawng nisien khawm Sunni Muslim hai hmalakna le ram zauna chu abikin Syria tieng chaww el bik naw nih, tiin an hril ve. ISIS-in chauh an pan pei chu a nih. Lengtikam buoina a re ding ti ruok chu hunin la hril a ti.

## Daniel Craig James Bond Thar, Thau Met

LONDON: Ian Fleming a lekhabu, British Military Intelligent 6 (MI-6) agent, 007 James Bond film-a changtu nunhnung-tak Daniel Craig (49) chu hun iemani chen an lang ta naw hnungin Nilaini khan a tuol suok le tui insil lai hmu a nih a, a phing lai an baww met tah a, ni dang nek in taksa khawm a thau lem met tah. James Bond lem chang ding ruok chun a la fit taww tho beisei a nih.



nawk nek chun ka kutring at pawpa thi ka thlang lem" a ti hnung khawmin a biekh tah nawk a. James Bond film 25-na changtu dingin

a thlem thluk nawk nia hril a nih.

Hienglai zing hin British actor tho, Orlando Bloom (40) khawm James Bond chang a nuom thu a hril a. Tui am an chang lem ta ding hriet an ta nawh.

Daniel Craig hi kum 50 a tling vawng tah a. James Bond film changtu tamtak chu kum 50 chuang vawng an nih. Daniel Craig hin James Bond film pali a chang tah a, a chang nawk chun tuta mi hi a pangana ding a ni tah. James Bond film hai lai Daniel Craig film chang hai khan pawisa an la lamsuok rawntak lein producer Barbara khawmin Daniel hi a dit bik a nih.

## Janet Jackson-in Tour Nei Ding Thu A Puong

LONDON: Kum 50 upa nau pakhat nei tah midum-ngo hlasakthiem Janet Jackson chun hun iemani chen a nau nei leia a chaww hnungin hun sawt taka inthawka a lo buotsai tah khawvêl fanga an zinna ding chu a nei nawk tah ding niin a puong.

"All For You" singer Janet hin YouTube ah video upload-in, "Hey you guys! In mi lo hriet naw pal chun Jan ka nih, ka nau nei lein ka thau met tah. Anachu, ka nau nei hi ka lawma Pathien kuomah lawmthu ka hril a nih" tiin a hril a. Rawl pakhatin, "A thau taluo tah" a lo hung tih a. Janet chun, "Lo to taww taww rawh, Randy!" tiin a kawla um a unaua chu a zuk kaww malam baww a.

Janet chun sunzawmin, "Thudik in hriet ka nuom. Kan pa leh kan inthe a, a thu chu Court-a um a ni taa Pathien thu tu ni tang a tih" tiin a hril baww a. A naute tha chun, "A hmêl a tha a, a hrisela, lawm pham um tak a nih" tiin a share baww. Janet hi an pa Wisam Al Mana leh nau an nei zoa inthawka thla 5-na charah an inthe a nih.

Janet nau nei tha hin a sūngah chun, "A naute hi a lawm em em a. Ama le hun iemani chen la hmang a nuom lein a hlasak khawm a la sunzawm thei naw a nih. A naute le um chauh hi tulai chu a nuom a nih" tiin a hril a. Chu zoah, thla nga a hung invawi chun, an ngaidan an ang naw deuh lein inthe an hung rawt a. Janet chun hlasak sunzawm a tum tah a nih.

July 2016 khan, "Unbreakable World

## Iskra Lawrence Bawkin Mi A Chawwphur

LOS ANGELES: "Positive Outlook Model" ti hieia tamtak in ko, thaww khât lai tak chu a pieng nal naw bakah a thau taluo ti leia model agency tamtak in an lak nuom lo, lung hnuol lova bei fan fana "plus-size" model hlawtling pawl tak nia model danghai chophurtu tak nih tah Iskra Lawrence chu siem danglam um der lo thlalak suklangin mi tamtak a chawwphur hle.



Kum 26-a upa Iskra Lawrence chun Nilaini khan zakuohnuoi (bikini) thar, man-ta rawng uk, bra puom lien deuh le kekawrte (panty) tiel (polka dot) mi thauhai hak chi pholangin, Jacket dum pawl leh, kawng iner tawmin a thlalak a pholang a. A tarlang nuomtak message chu #everyBODYisbeautiful" (Taksa po po an tha vawng/pieng dan po po a nal vawng) tiin pieng nal naw inti leia lungrii nahai thawidawm tum in a post.

Photographer Gavin Glave-in a lak thlalaka hin, British nunghaknu hi make-up khawm tak taluoin a hmang nawh a. Mani taksa nidan ang chata (natural beauty) suklangna dingin lipstick khawm dal deuh, hner taksa rawng tak ang chara inlang theina ding

chite suktler metna ding taww chauh (pink gloss) a hmang a, mascara tlawmte leh, a nal nawnaw chara, natural tak in lang a nih.

Iskra hin Quebec, Canada a an thlalak dang dang le video hai khawm a post a, "lace" nal tak tak hakin nil um laia nuhmeihai incheina dinga th hlie hlie vawng an nih. Iskra hin a pieng nal le nalnaw hi an zapui ngai nawh a. Social media ah khawm thu tha tak tak

## Adele-in £40million Hmusain £125million Nei Tah

LONDON: British hlasakthiem kum 28 chauva upa Adele chun a album pathumna "25" kha copy million 20 neka tam a zawr suok lein ni kum (thla 12) sung khan Pound 40 million a lam suok nawk a, tuchena a pawisa lam suok tah po (a hausakna) chu £ 125 million a nih tah. Sunday Times Rich List 2017 in a tarlang dan chun, British mi nuhmei hlasakthiem (Pop star) hausatak a ni tah.

Adele hausakna hi ni kum £85 million a ni a, chu hma 2015 khan £50 million a nih a. Tu kum 2017 ah chu £125 million a kai daww a nih. Hun sawt tak sawl taka World Tour a neina chu a thaw hlawk hle niin an lang. Tuhin Music Millionaire List ah hausatakah 19-na a ni tah a, nuhmei solo artist umsun a nih baww. A danghai chu 'team/group/band' an nih.

Top 20 Brit Pop Rich List ah Sir Paul McCartney le Nancy Shevell han inkawpin pakhatna an nih a. An pahni hausakna chu £780 million a nih. The Beatles member hlui Sir Paul hin tulai hnei October 2016-a California Desert Trip festival ah khan £8 million a zu hlaw suok a nih. The Beatles-a band-mate Ringo Starr khawm Hausa List 8-na a nih. Hausa List-a hai hi an ruolhai le an hausakna a ni deu vawng a, Adele ruok hi chu ama single hausakna a nih. Thla 12 sunga an hausakna sukpong rawntak chu Irish rock band U2, pathumna hai an nih a. Ni kum sung khan £ 48 million a inthawkin £548 million an nei phak a nih. Rich List-a pahinna chu Lord Andrew Llyod-Webber a ni a, 2017 chenhah £740million a nei tah.

Adele hi a danglamna chu nauhafra, a nautet laia a pa, thil siemthatu (plumber)-in a maksan hnunga a nu Penny Adkins-in sin hran hran thawa a chawm lien a ni lei a nih. A nu fakzawngna sin insawng pei lein Adele chu, Brixton, South London-a sikul 10ah a kai hman a. A nu' n zan music sikul-ah an kaitir a, chutaka inthawka music le hlasak hung inhnika a nih.

The Sunday Times Rich List compile-tu Robert Watts chun, "Adele ta dinga kum tha tak a nih. Album promote dinga khawwvêl an zinna chu a hlawk hle a, a vawikhatna dingin kan List ah a chuang tah a nih. A la naupang a, midang kum sawt tak tak lo thawhai ang a hung thaw sawt ve pha chu British Musician hausatak (hlawrawntak) a la hung ni thei ding a nih" tiin a hril.

Sunday Times 29<sup>th</sup> Annual Rich List Top chu a hnuoia hi a nih a. Sawtnawtea an tlangez ding List ah hin UK le Ireland-a hausaw tawntaw mi 1, 000 hai hming le an pawisa nei zat an tarlang ding a nih. Mi ran chu an transparent thei hle.

- THE TOP 20 BRIT POP RICH LIST
- 1) Sir Paul McCartney: £780m
  - 2) Lord Lloyd-Webber: £740m
  - 3) U2: £548m
  - 4) Sir Elton John: £290m
  - 5) Sir Mick Jagger: £250m
  - 6) Keith Richards: £235m
  - 7) Olivia and Dhani Harrison: £210m
  - 8) = Michael Flatley: £200m
  - 8) = Ringo Starr: £200m
  - 10) Sting: £185m
  - 11) = Eric Clapton: £170m
  - 11) = Sir Rod Stewart: £170m
  - 13) Roger Waters: £165m
  - 14) Sir Tom Jones: £160m
  - 15) Sir Tim Rice: £152m
  - 16) Robbie Williams: £150m
  - 17) Ozzy Osbourne: £140m
  - 18) Charlie Watts: £130m
  - 19) = Adele: £125m
  - 19) = Brian May: £125m

## AFC chuongna Bus eksiden; hliem umlo



AIZAWL: I-League champions thar Aizawl FC team members hai chuongna chu zanikhan Airport pana an fe laiin an chuongna Bus a eksiden a, sienkhawm thi le hliemna tuok an um nawh. Players hai hi May 7, 2017 nia Federation Cup tan dingah khel ve dinga Lengpui Airport-a inthaww Cuttack pan dinga vuong tum an nih. Zani hmasa khan Aizawl FC fan pakhat chu Assam Rifles Ground-a lawmlutna huna changsuolin a lo thi ta a nih. Aizawl FC hin Federation Cup-a an inkhingepui hmasa tak ding chu Chennai City FC hai an ni a, Pathienni hin an inpetpui ding a nih.

## Wimbledon singles winner-in 2.2 million pounds dawngta ding

LONDON: Tukuma inthaww hin Wimbledon single tennis champion hai chun 2.2 million pounds (\$2.84 million) seng dawng ta'ng an tih. Hi thutluka hi nilaini khan Wimbledon t huoituhaiin mipui kuomah puongdawka an nei. Hi dungzui hin kum dang nek in champion haiin 200,000 pounds-a tam lemin lawmman an dawng ta ding tina ning a tih. Hi bakah hin first round single-a tlaihai khawmin 35,000 pounds leh in inlawi ta'ng an tih.



Wimbledon board chairman Philip Brook chun, "local leh national leh international-a hai Wimbledonin hotu nina a chang hi ka uong hle a, hi bakah hin Championship lan khel nawk peina ding haia khawm invest thatak nei dinga an hung inpumpek hi ka lawm hle a nih," tiin a hril.

**14th Hmar Martyrs' Trophy Fixture**  
05-05-2017 | FRIDAY  
1:00 p.m | ABC, Saidan vs Lamka SC  
2:30 p.m | Neihsiyal Veng YC vs Teksiepu FC

**4 May 2017 results:**  
Sielmat YC 1-0 Zehngah Lamka YC  
\*FAST 1 (4) - (3) IMegadash FC

## Kum 21 hnungah India-in FIFA Rankings-ah 100-na

Ningania FIFA ranking suksuok uma chun Indian football team hai chun kum 21 hnunga an phak insang-tak tum niin, ranking 100-naah a thang.



Indian football team hai hin top 100 hi kum 21 hnunga an vawikhat hluona niin, independence hnunga top 100 an kai vawiruk char a nih. February 1996 khan 94na hmun hluoin ranking phak insangtak t um niin, hung tlahnuii nawk pein tuhin 100-na hmun an hung phak nawk a nih. AFC ranking tienga ruok chu 11-na hmun an hlui phak ve thung.

mun chena hin lung su-kawi ding tina a ni chuong nawh. Hmatiangah game lien inkhel ding a la um pei a, thil awlsam deua lak chi ni naw nih," tiin a hril. All India Football Federation (AIFF) General Secretary Kushal Das khawmin ranking 100na hmun an hluona kawnga a lawmthu hai hrilin, hmatiang peia fiemkhur a ngai thu hai hrilin le AFC Asian Cup Qualifiers UAE 2019 chu inensinna thatak a ni thu hai a hril.

Ranking an hung kaisang le inzawm hin national coach Stephen Constantine chun, "Leilak ei kai tung pei sung chun hlim zing ka tih. Hienga ei fe pei chun lampui indik-taka ei fe pei tina ning a ta, amiruokchu tuta ngirh-

Indian Team hai hin tulai hnia game an inkhel un-official match Bhutan hai le inkhel tiem kawpin game 13 an inkhelna-ah wavi 11 hratna changin goal 13 an petlut a nih.

## BCCI CEO-in Indian Cricket jersey thar a tlangzar

MUMBAI: Zani ningani khan Board of Control for Cricket in India (BCCI) CEO Rahul Johri chun Indian cricket team jersey thar ding tlangzarna a nei. Jersey thar hi Oppo company hai hung sponsor niin jersey hmatiangah sponsortu hmang zieklangin a um. Hi hunser hi Member of the Supreme Court, BCCI's Committee of Administrators- Diana Edulji, BCCI Board's General Managers pahni- Prof. Ratnakar Shetty le Dr M V Sridhar le Chinese mobile company lien tak takhaia inthaww hotu iemani zatin an uop taww.



Jersey thar tlangzarna le inzawm hin Johri chun, "tuhin India in world no.1 ranked hmun a hlui meka, Oppo in ring-zona ami nei hi India le khawvêl pum puia cricket an ngaina zia a suklang hle a nih. Thangkawpna thatak niin ka hrieta, anni le thangkawp hin Cricket-in hmasawna a

hmu ngei ka beisei," tiin a hril. Oppo le BCCI hai hin kum nga sung aw dingin March ni 7 khan Rs. 1,079 crores-in thutlung siemin April ni khat han hmang tan alo nih tah. Hi jersey thar (blue colour) tlangzarna um hi hung tung ding June 1 khata ICC Champion Trophy, England khawpua inkhel dinga khin hak tan ning a tih.

## EUROPA LEAGUE: Bertrand Traore goal hni hmangin Ajax chun Lyon 4-1 in an hne

European Football inelna insang tak dawt Europa League hmarbaww a tlung tep tep ta a. Nilaini zan khan Semi Final hmasa lem Swedish Club Ajax le France Club Lyon hai chu Amsterdam Arena-ah an inkhel a, Ajax haiin 4-2 in an lo hne. Hi lei hin Leg 2-ah Lyon hai chun hratna an changna ding chun an bei fet a ngai ding tina a nih.



Inkhel tana inthaww minute 25 naah Chelsea player, tuta Ajax haiin loan-a an kaww mel Bertrand Traore chun goal hmasa a thun ngah a, chu zo minute 34 naah Kasper Dolberg chun Ajax ta ding bawkin goal pakhat a hung thun ve a. Half chenhah Ajax hai chun 2-0 in hma an thuoit a nih.

Ajax ta ding bawkin goal dang a hung thun nawk a, chu hnung minute 66 naah Lyon ta dinga goal um sun Matthieu Valbuena chun a thun ve a. Hun tawp hnei tieng minute 71 naah Bertrand Traore bawkin Ajax hratna namghetna dingin a goal vawihni thunna ding a thun a, hun a tawp zui ngah a, Lyon ta ding chun beisei a um ta nawh.

Ajax hai hi European Competition Final an inkhel-na nunhnung tak chu 1996 dai kha an ta a, kha kum khan Champions League Finalah Juventus lakah an tlawm a nih. Chuleiin Cup lak ngei tum an tih. Lyon hai ruok chu vawikhat khawm European Competition-ah Final an la kai ngai nawh.

## AFC CUP: Abahani Limited, Dhaka chun Bengaluru FC goal 2-in an hne

Asian Football Cup group match fe mekah Indian Club Bengaluru FC chu Bangladesh Club Abahani Limited Dhaka khelmuolah Nilaini zan khan an inz in a, muolneitu tieng goal hni tawp an lo inba a, Bengaluru FC chu hmamawkin an inlawi. Inkhel tana inthaww hun tam lem goal thun bik an um naw a, hun bo hma minute 10 chau a um ta hnungin Abahani tieng Nasiruddin Chowdhury chu red card a hmu lein hnawtdaww a nih a. Chu chu hmang tangkaia Bengaluru tieng an hrat ngei ding anga ngai a ni lai zingin minute 87 naah Abahani tieng chun Sadd Uddin hmangin goal an hung thun



letling a. Chu hnungah hun belsa (90+2)-ah Abahani tieng bawkin Rubel Miya hmangin goal khat an thun sa nawk lein Bengaluru ta ding chun beiseina a um ta nawh. Hi Tournament-a ding hin Bengaluru an hratanaw vawikhatna a ni a, Abahani ta ding ruok chun

an hrat vawikhatna a ni ve thung. Hi result dungzui hin Abahani ta ding chun tukum hi tournament-a an point hmu sang tak a ni a, Bengaluru FC ruok chu inkhel vawili-ah point pakuo nein topper an ni mek ve thung.